

# VEXIL'ÒC



REVISTA OCCITANA DE VEXILOLOGIA - ISSN 2117-9166  
N° 18 - DECEMBRE DE 2011

## Ensenhador

Nòvas de Vexil'Òc (Joan Francés Blanc)	1
Revolucions aràbias (Joan Francés Blanc)	2
Republicas e estats (Joan Francés Blanc)	4
Independéncia del Sodan del Sud (Joan Francés Blanc)	9

---

## Nòvas de Vexil'Òc Joan-Francés Blanc

L'annada 2011 vegèt un fum de cambiaments dins l'anament de *Vexil'Òc*.

Avèm mudats los catlons del site wèb en tot gardar l'ancian site en çò de Tripod. Ara *Vexil'Òc* es vesedor dins dos endrechs:


1. Lo site primadièr <http://vexiloc.tripod.com> (que se pòt tanben aténher per <http://members.tripod.com/~vexiloc>)
2. Lo site Bandièras <http://bandieras.free.fr/vexiloc>

Avèm tanben ongan demandat e obtengut un numèro de catalogatge de periodic (ISSN) que lo veiretz desenant dins los encaps e suls sites: ISSN 2117-9166.

Darrièra causòta, agèrem pas léser fin finala d'acabar la tresena edicion de l'Enciclopèdia. Amb benlèu un pauc mai de temps, sortirà l'an que ven.

## Revolucions aràbias Joan-Francés Blanc

Los cambis politics dins lo mond arab en 2011 an pas menat gaire de noveltats dins la vita vitanta dels pòbles, nimai dins las bandièras (aital Tunisia e Egipte cambièron pas). Senon, la tendéncia es a la recuperacion de bandièras istoricas, tant en Libia (es fach) coma en Siria (ailàs la repression es pas acabada).



Libia venguèt independenta en 1951, coma monarquia. Lo rei Idris se prenguèt la bandièra de sa dinastia (negra del creissent e de l'estela) e i apondèt las autras doas colors.

En 1969, lo còp d'estat de l'armada qu'installèt al poder l'òme tuat en 2011 foguèt seguit per l'adopcion, lo 7 de novembre de 1969 d'una bandièra de tres bendas orizontals qu'es al jorn de uèi la de Iemen.



Bandièra de Libia  
de 1972 a 1977



Detalhs. (© Flags or the World)

En 1972, Libia, amb Egipte e Siria, aderiguèt a la Federacion de las Republicas Aràbias. Apondèt lo falcon de Coraish (l'aujòl del profèta) que portava en arab lo nom de la federacion (اتحاد الجمهوريات العربية).

اتحاد الجمهوريات العربية

Federacion de las republicas aràbias, en arab

Se la federacion s'acabèt lèu (foncionèt pas vertadièrament), Libia demorèt entrò 1977 per se causir una bandièra unicolòra, qu'es un cas rar dins la vexilologia.

L'estiu de 2011, la rebellion ajudada per l'OTAN prenguèt lo poder e tornèt a la bandièra de 1951.

## Republicas e estats

Joan-Francés Blanc

Dos « estats » o « republicas » se cambièron la bandièra en 2011: en America, Utah ; dins la Federacion russiana (en rus se fa la diferéncia entre *rus*, etnonime, e *russian*, que pertòca lo país sancierà), Russia, Marii El.

### **Utah, Estats Units d'America**

L'estat d'Utah, als Estats Units d'America, se causiguèt una nòva bandièra lo 9 de març de 2011.

Lo blau es desenant mai encre, e l'escut al centre (qu'es mai un sagèl qu'un escut) es del fons mai clar. Se veï tanben melhor al dejós la data 1847, que correspond a la creacion de la colonia sus la laca Salada


Se garda tanben la data 1896, qu'es la de la creacion de l'Estat.



Bandièra novèla d'Utah



Detalh del sagèl



Bandièra d'Utah  
de 1913 a 2011



Detalh del sagèl

Las datas de la bandièra precedenta son divergentas segond las fonts. De còps la datan de 1913, d'autres còps de 1922.



Bandièra d'Utah  
de 1911 a 1913



Bandièra del Territòri  
d'Utah de 1851 a 1860



Fotografia de bandièra de 1903



Bandièra de Deseret  
de 1849 a 1851

Abans 1913 se coneis una bandièra adoptada en 1911, qu'adapta una bandièra que data de 1903 mas qu'èra pas oficiala.

Abans l'estat, creat en 1896, i agèt un territòri (que succediguèt a l'estat censat independent de Deseret, creat pels Mormons).

### ***Marii El, Federacion de Russia***

La republica russiana de Marii El se causiguèt una nòva bandièra lo 1èr de junh de 2011.

Aquela bandièra presenta, sus un fons blanc, l'escut novèl de la republica.

La bandièra precedenta èra pro recenta, que datava de 2006. Avia remplaçada una bandièra similària que datava de 1992 e portava lo nom de la republica en alfabet cirilic (**Марий Эл**).

Sequissiá la tradicion de l'epòca sovietica d'aver lo nom de la republica esrich (en rus sonque de 1954 a 1978, en rus e en marii abans e de 1978 a 1992).



Bandièra novèla del Marii El



Situacion de Marii El en Russia




Revers de la bandièra




Anciana bandièra (2006-2011)




Bandièra de Marii El  
de 1992 a 2006



Bandièra de la RSSA Mariis de 1978  
a 1992



Bandièra de la republica socialista  
soviètica autonòma dels Mariis de  
1954 a 1978



Bandièra de la republica socialista  
soviètica autonòma dels Mariis de  
1937 a 1954

### Bibliografia e sitografia:

- site del governament d'Utah amb l'istòria de la bandièra  
<[http://history.utah.gov/experience\\_history/glimpses/flags.html](http://history.utah.gov/experience_history/glimpses/flags.html)>
- site de la republica de Marii El amb los símbols oficials  
<<http://portal.mari.ru/republic/Pages/symbols.aspx>>



# Independència del Sòdan del Sud

## Joan-Francés Blanc

Lo 9 de julhet de 2011 lo Sòdan del Sud venguèt independent de Sòdan. Es l'acabada d'un long processus que comencèt a la fin de la segonda guèrra civila, en 2005.

La bandièra repren la de l'armada de liberacion del Sòdan del Sud.



Bandièra del  
Sòdan del Sud



Bandièra de  
Sòdan



Situacion (© Wikipedia)

# VEXIL'ÒC



REVISTA OCCITANA DE VEXILOLOGIA - ISSN 2117-9166

N° 18 - DECEMBRE DE 2011

Redaccion e compaginacion acabadas lo 27 de decembre de 2011.


Ancians numeròs : <http://bandieras.free.fr/vexiloc> o

<http://vexiloc.tripod.com>

Imatges e cartas de còp tirats de :

- *Flags of the Word*, ISSN 1712-9842,  
<<http://www.fotw.net/flags/index.html>>
- Wikipèdia, <<http://en.wikipedia.org>>

ISSN 2117-9166



9 772117 916000